

平陰縣志

平陰縣志卷之三

風俗

兗州舊疆界於河濟地非險固風雜數國

出風俗通

人務耕桑樸而不華得古風趣

出圖經

秦漢以降政理混同人情樸厚俗尚文學及西晉之末爲戰爭之地三百年間傷夷實甚自宇內平一又

如近古之風

出通志

何公海晏舊志云士不服羅綺女不飾珠翠交不煩虛儀席不侈多品晏猶及之今皆反之矣

平陰縣志

卷之三

風俗

一

按風俗隨世運爲轉移何公修志之時已有今昔殊尚之慨蓋人情所趨歷久則變耳然文翁治蜀而文教聿興黃霸治潁而篤厚以返司世教者可不思風草之機而於以化民成俗乎

時令

正月元旦

祭神祇祖先食水角拜親長出門徧拜親黨謂之拜年

元夜

食元宵捏麵爲燈注香油各處散之按月捏者曰月燈按家長歲捏者曰歲燈

西門外清涼院演戲城內外大張燈火辦雜耍十六晚齊赴文廟婦女亦至謂之走百病

平陰縣志

卷之三

時令

二

燈詩附

天元共賞佳燈節子夜遊春景色芳萬物交輝歡
月會年華泰霽慶明良
此詩張巨峯程扶九兩先生所作可橫讀抽對聯二付扁二面山一座舞同太平錢法皆以土子演之

二月二日

謂之龍抬頭日以灰圈地作倉囤內置五穀覆以磚石三日後始掃地去之食煎餅炒黃豆

春分日

祭祖先

清明

祭祖先墓門上插柳枝或攜酒登山臨水謂之踏

青

端陽

門上插艾葉食角黍飲硃砂雄黃酒

夏至日

祭祖先

六月六日

曝書曝衣

平陰縣志

卷之三
時令

三

七月十五日

祭祖先墓

中秋

祭月月餅西瓜人皆賞月飲酒食月餅

秋分日

祭祖先

重陽

登高飲酒食糕

十月初一日

祭祖先墓

城內買賣大會前初一至初十衍至自十五至二十

冬至日

祭祖先

臘月初八日

食黍米加棗煮粥謂之臘八粥

二十三日

是晚謂諸神升天祭竈神謂之辭竈果品俱用冬製麥芽糖

除夕

平陰縣志

卷之三

時令

四

供神祇祖先設燎大門外謂之照請焚香拜而不奠少者拜親長謂之辭歲

山川志

邑之東西南三面皆山惟西北無山大清河環之稱
奧區焉山之脉自泰山來東接陶山西入東阿南抵
東平千巖萬壑不可枚舉誌其為人所指名者耳

峻玉山

在城北邑之坐山也因石中出白石英故名

廟山又名蓮花山

在城北六里其麓西枕大清河

文几山

在城南邑之案山也

五鳳山

在城南三里邑貢生張宗敞疏洞其上曰屬洞植栢樹桃杏為邑人遊觀之地今

無存

平陰縣志

卷之三 山川

五

青龍山

在城南五里山腹為金斗峪俗呼栲栳山有甘泉旱澇不涸土人覆以石室曰水母

娘娘廟乾隆二十一年知縣李公汝榛改建閣
干上曰斗母宮旁栽栢樹千餘株設道院於下
守之於是始為邑中勝地

紫蓋山

即孔子山在城南三十五里

會仙山

在城東上舊有會仙觀石棹石磴栢樹數十株為邑人遊觀之所今皆無

鶴山

在城西四里山之東曰山頭莊

鳳凰山

在城西五里南接鶴山北枕大清河山之西曰前寨後寨

聖山

在鳳凰山西

子順山

在城西五里

曹山 在子順山西

唐務山 在城西十五里

石峽山 在城西南十五里王明道廣道二先生故居

水山 在城西南二十五里山產栢樹千餘株石隙中有玉皇廟山半曰白衣閣在懸崖下

仰觀怪石峻嶮古栢槎枒傾欹欲墮最爲此山大觀旁有兩石相疊周圓半畝餘高可數丈栢樹一株生石上故曰疊翠爲邑八景之一

龜山 在縣西十八里即龍橋山也其上有壽峯寺唐時所建其左爲卧牛山右爲聖容山

石門山 在城西南三十里爲赴東阿大道巔有石門通往來薄暮時日色返照赤霞從孔中

透射如長虹崇禎間司理李恪立石題曰小雲門唐叔明居此杜工部詩所謂石門斜照到林

平陰縣志

卷之三 山川

六

邛爲邑八景之一

龍化山 在城西南三十里元孝子李欽所居

亭山 在城西南三十里山有古洞四知縣胡公鳴珂有記

菩薩山 在城西南四十里上有天香寺寺前何公海晏刻石題曰蓬萊上有懸崖一洞故又名懸洞山

茅峪山 在城西南四十里上有百二仙翁故居

九峪山 在城西南五十里

臺山 在城西南三十里平故

大菩薩山 在城十里有古寺

秀屏山 在城南十五里見曹學佺名勝志

熏山 在城南二十里下有巡檢司故址

孤山 在城南二十五里

大荆山 在城南二十五里

赤溝山 在城南五十里西連大蠓山南接鷓鴣嶺
最為險奧

庫山 在城東南三里餘出全蝸其尾九節人藥

文筆山俗名尖山 在城東五里

磨盤山 在城東南五里

大檀山 在城東南十二里

平陰縣志

卷之三 山川

函山又名賢子峪 在城東南十五里有白雲連株
二洞及三泉庵等祠邑人張宗

旭修有碑記

寨山 在城東十里

堂屋山 在城東三里

龍骨山 在城東北五里為古龍脫骨處上有祠祠
有于文定公碑記

黃鬮山 在城東南十八里

孝婦山 在城東三十里其下有四女塚不知所始

巫山即今孝堂山 在城東北四十里今入肥城

陶山 在城東三十里今入肥城

邽山

春秋魯襄公十八年晉會諸侯伐齊魏絳

敖山

無考

具山

無考

平陰縣志

卷之三

山川

八

大清河

汶水出於泰山其源有三一發泰山仙臺嶺一發萊蕪原山之陽一發萊蕪塞子村會泰山諸泉之水至東平州城南靜村鎮合而爲一謂之大汶口又西南與小汶河合流至寧陽西北分爲二流其一爲元人所改由罡城壩南流別爲洸水其一由罡城壩西流至東平州東五十里會坎河諸泉之水至泗汶口而分其西流者入大清河由東平城北過東阿平陰而東北至利津入海此故道也自海運廢開會通河盡

平陰縣志

卷之三

山川

九

遏汶水入河於是入海道塞汶水旣入運河又從張秋分流復由故道會諸州縣溝泉之水入海成化甲午叅政唐源潔修大小清河大學士劉 記謂自張秋濬至平陰之滑口鎮大溝通矣即此河是也鹽運所經俗又呼爲鹽河云又濟水源出王屋山三伏三見自陶邛以北則常見而不伏由東阿至艾山始入平陰境歷康家口吳溪渡至望口山北入肥城境東北歷長清濟南蒲台利津入海汶水西流至東平境內入漕河至大水泛漲從老壩口亦入濟河

按濟水即荷水也大清河荷汶合流故道也禹貢錐指曰天寶之後汴水堙廢濟渠亦無所受故元和志言濟自須昌始而通典云濟河實荷汶之合流其所謂荷者即五丈溝之水西自考城來者也迨元人開會通河引汶絕濟以資運道明永樂中又於古四汶口之地築戴村壩遏汶使西南流唯小鹽河一綫即張秋分流洩入大清河大清河賴諸山泉溝澤以成其用并無荷汶之可言矣

河紀黃河去縣十里

平陰縣志

卷之三 山川

十

按縣北原有黃河故道俗云老黃河者是也與滑之瓠子河大名之馬頰河俱通

趙牛河

自在平縣杜家窪匯水爲源入東阿縣界行九十里後入在平境文東北至趙家水

日逕平陰境之朱家海至朱家橋自此復東北行非泰安境矣

新開河

縣西十里即濟之下流南岸有山曰蹲龍有盤石跨河舟行患焉宋張方平乃鑿新

河引水北行避之民甚稱便

金斗峪泉

在城南青龍山腹大旱不涸

柳溝泉

在縣東南三十五里山高堤沙土申東南二十里入衡魚河又四十里入汶達會通

河

喬口泉

城在縣東南七里山下西北至縣南門外遠

門外西流與此泉會又東溝水西流亦與此泉
會形如川字遇秋澄泓一派紋錯如錦故名
錦川以此皆入大清河為邑八景之一

天井泉

在縣東二十里山礪石井中泉勢如趺突

景之一

拔泉井

在縣西南五十里出九峪山崖經石峽入

馬跑泉

在縣西南五十里赤溝山北崖石竇間入

侵潤泉

在水山北巖可供千人飲不涸然亦不溢

八景

杏壇遺響

在城南三十里孔村紫蓋山

錦水秋澗

在城南門外

碧峯仙跡

在城東會仙山

水山疊翠

在城西南二十里

石門晚照

在城西南三十里明兗州司理李恪立石書小雲門

吳溪沉月

在城北十里吳溪渡

天井飛泉

在城東南二十里天井村

峻玉含輝

在城北山出石如水晶有稜即白石英也

橋梁

會仙橋 在東門外大石為之創修無考崇禎十六年兵火毀康熙二年耆民傅應期舉人趙貫台倡義捐修

錦川橋 在南門外可十許丈大石壘砌金義民韓溫建溫建迤西南堤衝壞康熙十年生員趙貫虹張抱素張駿聲趙如鏐趙如珪等倡義捐葺之

北門外石橋

金義民韓溫建

西門外石橋

朱家橋 在西門外三里不知何人建可丈許規模頗在狹明生員張命新重建

徐家橋

在縣南五十里柳溝之東巨石包砌可里許明義官宋繼先建康熙四十六年大

平陰縣志

卷之三

橋梁

十三

峯山羽士陳一朗重修

太平橋

在城東北平地落之東康熙四十六年邑侯陳公諱以朗倡修小石橋後圯康熙四

十九年大峯山羽士陳一朗獨力創建大石橋可五丈許俱繫大石壘砌迤北橋底衝壞嘉慶十二年邑侯郁募化監修橋北添大石鋪砌生員趙文郁募化監修橋北添大石鋪砌朱光簡

柳溝通會河官橋一座

北官莊橋

在城南十五里北官莊孫光祀建

通政橋

在城東十五里小官莊東乾隆二十九年邑侯陳公諱瑜邑人建

通濟橋

在城西二十五里王鎬店西崔士祿王顯才王義道人侯真貴等創建於康熙三十

五年至五十五年山洪洞劉公諱誌者繼修焉後其子襄與衷其孫凡晉方溥承修先志支

費萬金事在乾隆元年

官橋 在城西十里土樓西

朝陽橋 在城南三十里孔村前

宏濟橋 在城南三十里何家樓前

岱西橋 在城南四十五里岱西村

渡口

滑口渡 在縣西南二十五里舊有巡檢司今廢

大義屯渡 在縣西十五里

康家口 在縣西北五里例貢孫斗煥臨胸縣教諭孫源廩生孫天錫庠生孫自然孫娛助於

順治十八年施義渡船一隻施地八十餘畝城宅二區以為修船使費永遠無替

湖溪渡 在縣北十里濟南府訓導張子帶施義地一畝於乾隆年間張國植又施地

四十畝

義井附

一在函山峪 貢生張宗旭率眾濬有記見藝文盈涸不常

平陰縣志

卷之三 渡口

十五

一在葛井鋪北 候選州同朱景益捐地庠生趙如鏐捐貲濬賴以汲者甚眾

牌坊

鍾英育秀坊 在學巷口

銓衡卿貳坊 為吏部郎中何海晏立 在隅首

進士坊 為甲辰科進士王環立 在南街

賜進士第坊 為丙戌進士張德政立 在治前

朝陽鳴鳳坊 為乙卯科舉人張善立 在東街

步青雲坊 為巳酉科舉人張漢立 在西門

攀龍坊 為乙酉科舉人姜昺立 在南門

冲霄坊 為巳酉舉人司文舉立 在南門

平陰縣志 牌坊 卷之三 十六

石坊 為辛酉京闈舉人張凌漢立 在舊學巷

天朝近臣坊 為鴻臚寺署丞劉雲龍立 在西巷口

恩綸重錫坊 為贈御史張子冕立 在南門大街

天寵褒封坊 為戶部陝西主事趙廷寶立 在東街

鴻臚坊 為序班孫學詩立 在隅首

貞節坊 為貢士江產母倪氏立 在大留前村

盛世孤貞坊 為張承家妻李氏立 在西門巷口

旌貞坊 為進士張梧母田氏立 在大留後村

一門節孝坊 為畢乾妻張氏孝子畢講立 在西門外

節孝坊

為尹士恒妻孔氏立

在李博士莊

節孝坊

為尹鎬妻胡氏立

在李博士莊

孝子坊

為趙佩琰立

在會仙山東北

貞節流芳坊

為生員孫汝楫妻于氏立

在東門大街

清標彤管坊

為何兆行妻王氏立

在北門大街

墳墓

康王墓 在鬪祭臺東北

左丘明墓 在衡魚今入肥城

濟北王冢 相傳在康家口南山

處士王去非翰林王去執墓 在石峽

翰林李之紹墓 在石峽

平陰子龔履簡墓 在會仙山南麓

知府劉澤墓 在城西北坡

知縣王環墓 在子順山南

平陰縣志 卷之三 墳墓

宗人府經歷鄧淳墓 在王家莊西

員外張德政墓 在鳳山北

知州祝邦榮墓 在孝直舖南

叅政何海晏墓 在會仙山南

副使梁成墓 在文几山北

僉事劉戒墓 在土叟村

通判趙國賓墓 在安城南

叅政趙雲翔墓 在朱家橋西

知縣張承寵 在鳳山北

叅議孫琬墓 在平地灤南

知縣趙岱墓 在會仙山東北

河東運副王嘉命墓 在城西北

員外張梧墓 在大留村北

知事何可量墓 在文筆山西北

知縣趙彤華墓 在龍橋村西

太僕寺少卿張鯉墓 在文筆山西南

贈工部尚書朱同芳墓 在城北鄉朱家海子北

工部尚書朱鼎延墓 在城北扈家莊西

平陰縣志 卷之三 墳墓 十九

贈兵部侍郎孫振圖墓 在城南官莊東

知縣趙日采墓 在峻玉山北

內閣中書孫叔諧墓 在城南官莊東

鴻臚寺丞孫叔詢墓 在城南官莊東

知府程際雲墓 在程家樓西

同知趙貫台墓 在會仙山東北

知縣程焯墓 在南門外

贈貴州糧驛道朱作元墓 在城南孔村東北

知縣張嶠墓 在城南毛峪村

知縣程自邇墓

在李家山頭東南

郎中張嗣宗墓

在大留村

貴州糧驛道朱續暉墓

在長清西黃家樓

鴻臚寺卿朱續經墓

在長清西邢家莊東

贈武顯將軍元永寧墓

在城南

總兵元九叙墓

遊擊元九功墓

中城兵馬司指揮朱景雲墓

在城北朱家海子

翰林院庶吉士朱輝珏墓

在城北朱家海子

平陰縣志

卷之三

墳墓

二十

知縣朱鼎振墓

知縣朱鼎鼐墓

知縣朱輝璘墓

知縣朱輝瑜墓

知縣朱熊光墓

在城北朱家海子西北

知縣朱續澤墓

在城北韓家莊

教諭張恐玷墓

里社志 東 順德鄉 西 西寧鄉 南 安樂鄉

北 永寧鄉

城東里村莊

東關 南關 北關 翟家莊 楊家莊

石家莊 李博士莊 李蠻子莊 東三里莊

白家莊 馬家莊

安城里村莊

安城本莊 讓莊舖 平地樂 小官莊

土寨莊 聖井 邱家天井 于家天井

平陰縣志

卷之三 里社

二十一

張家天井

大留里村莊

大留本莊 楊家舖

毛家舖里村莊

毛家舖本莊 鳳凰莊 冷飯店

城西里村莊

西關 山頭 盆王家莊 阮二莊 土樓莊

西寨里村莊

前寨 後寨 畢海洋家莊 東子順 西子順

南子順 李家山頭 凌家莊 小孫家莊

前龍橋 後龍橋 大孫家莊 張家窪

江家莊 俄家莊

大義屯里村莊

大義屯 畢家莊 于家窩 大生家莊

楊家莊 滑口

八里莊里村莊

前八里莊 後八里莊 王家莊 小生家莊

劉家屯 鄧家莊 康家莊 田家莊 侯家莊

平陰縣志

卷之三 里社

二十二

張家莊

鄉南里村莊

東官莊 查家莊 國家莊 太平莊 臧家莊

興龍泉 蔣溝 羅圈套 大興莊 小興莊

小峪 李家溝 上新莊 石板臺 高魯橋

陳家山頭 刁山坡

王蒿店里村莊

王蒿店本莊 劉家店 朋家莊 于家樓

郭家套 胡家莊 陶家莊 野仙溝 張家莊

焦莊 夏家溝 羅家寨 新莊 白楊峪
大荆山 孔家莊 石峽 小莊科 唐家莊
李家莊 葛家莊 王橋間 龐家口
陳洪舖里村莊

吉家莊 崔家山頭 孔家集 薛家莊 豆山
外山 劉家小莊 王家小莊 李家屯 東站
西站 楊家山 李家堂 小屯

葛井舖里村莊

東三里莊 張家莊 尹家莊 葛家莊

平陰縣志

卷之三

里社

二十三

于家莊 十里舖 北官莊 安興莊 韓家套
高家套 喬口 王家莊

孔村里村莊

孔村本莊 尹家莊 夥居樓 小屯

范皮家莊 轉灣 孫家莊 東天宮 王家莊

胡家坡 大峪 半壁井 南毛峪 王家樓

南官莊 王家柳溝

孝直里村莊

孝直本莊 鳳凰莊 趙家橋 營子莊

張家莊 後大峪 孔家莊 廉家莊 李家莊

腰莊 劉家小莊 杜家新莊 宋家柳溝

曲家柳溝 焦家柳溝 王家柳溝

亓家集里村莊

亓家集本莊 莊科 赤溝山 傅家莊

黃家莊 徐家店子 葛家樓 黃家樓

夏家莊

鄉北里村莊

柳河坡 黃家圈 王家井 趙莊

平陰縣志

卷之三 里社

二十四

黃起元家莊 大紅廟 小紅廟 楊家莊

湖溪渡里村莊

湖溪渡本莊 孫家溜 刁家莊 韓家莊

康家口

分曹東里村莊

南婁家莊 西婁家莊 小婁家莊 范家莊

張家莊 張家集 周家莊 蔣家莊

廟楊家莊

曹東里村莊

旦鎮 田家樓 程家樓 張家莊 鄭家莊
潘家莊 玉皇廟 秦家莊 蔣家莊 王家莊
小新莊

封官屯里村莊

封官屯本莊 梅家莊 石星趙莊 東鄭家莊

有家莊 張莊 靳家莊 董家莊 苑家莊

馮家莊 陳家莊 黃莊 呂家樓 劉僉使莊

邵家莊里村莊

大邵家莊 小邵家莊 李車店 雙廟

平陰縣志

卷之三 里社

二十五

鄭家莊 李家莊 劉家莊

南曹里村莊

玉皇廟 蔣家莊 李濟武家莊 陳家集

曹家莊 趙家莊 興仁莊 劉家莊 王家樓

董家莊 高家海子 大申家莊 小申家莊

郭家莊 躲莊 謝家莊 王家莊 楚家莊

葛家莊 邛家莊 苑家莊 徐家莊 漸家莊

曹西里村莊

朱家海子 扈家莊 門樓孫家莊 安家莊

大趙莊 小趙莊 張家集 邛家莊

牛角店里村莊

定杆子王莊 蘇家莊 胡家坑 陳家莊

後傅家寨 徐家河窪

河窪里村莊

草寺 劉莊 劉海洋家莊 後劉莊 卜家莊

徐家河窪 于家河窪 王家莊 題家海子

韓家莊 侯家莊 小楚家莊 郭家桃園

朱家圈里村莊

平陰縣志

卷之三
里社

二十六

朱家圈 周家圈 萬家圈 董家圈 史家圈

馬官莊 夏家溝 黃家渡 前傅家寨

下馬頭

鋪遞志

縣總鋪 在治前

平地樂鋪 在城東北十里

毛家鋪 在城東三十五里

葛井鋪 在城南十里

孔村鋪 在城南三十里

孝直鋪 在城南五十里

官橋鋪 在城西南十里

鬪祭鋪 在城西南二十五里

平陰縣志

卷之三

鋪遞

二十六

陳洪鋪 在城西南三十五里

